

分而諸菩薩行無量無邊諸佛法藏不可思議。尔時虛空藏菩薩說是法時有万六千菩薩得柔順忍無量三昧而現在前復有八万四千衆生發阿耨多羅三藐三菩提心。尔時世尊讚虛空藏菩薩言善哉善哉善男子快說是諸三昧法門善說如來勝智如汝自身證行此法不從他得。尔時生疑菩薩合掌白虛空藏言希有大士乃能成就如是不可思議功德不從他聞而能入於如來勝智行處我亦願樂欲令一切衆生得此不思議法。如來行處。尔時大德舍利弗問生疑菩薩言善男子誰爲汝作生疑名也。生疑菩薩答舍利

國之法我當云何監領國事大德舍利弗菩薩摩訶薩亦復如是畢竟發阿耨多羅三藐三菩提心者次如來後亦應紹繼無上法王尊位亦常思惟詣問一切智相應之法我等應當云何持無上法王法也是故亦於一切佛法每常生疑大德舍利弗當知以此因緣由菩提心故立此生疑名也。生疑菩薩復語舍利弗言大德我從昔來不憶值諸佛菩薩及善知識未曾不問諸佛妙法是故我真名生疑也。

末

## 大方等大集經卷第十四

讓七

## 大方等大集經卷第十五

讓八

北涼天竺三藏曇無纖於姑威譯

弗言菩提心爲我作此生疑名所以然者若不發菩提心於佛法中終不生疑其有發阿耨多羅三藐三菩提心者其人於一切佛法則生疑惑爲欲現知明了一切佛法故譬如灌頂刹利王最大太子成就王相應作國王次父之後應紹王位是故其子每常詣問治

乘道而得成就快哉世尊唯願說諸菩薩大誓莊嚴及道莊嚴菩薩以大誓莊嚴及道莊嚴故能乘大乘行真實最上出世間道爲當得出世無上大乘成就一切自然大智雖未成一切智能作佛事利益衆生佛告虛空藏菩薩言善男子諦聽諦聽善思念之吾當爲汝分別解說諸菩薩大誓莊嚴乘莊嚴道莊嚴唯然世尊願樂欲聞佛言善男子菩薩有二十莊嚴法以自莊嚴自莊嚴已能乘大乘何等爲二十善男子若有菩薩畢竟發阿耨多羅三藐三菩提心於一切衆生生最勝大悲生利益衆生心生利益衆生心已便能莊

嚴無上大誓何謂大誓莊嚴爲度未度者大誓莊嚴乘大船舫故爲解未解者大誓莊嚴脫虛妄顛倒故爲安未安者大誓莊嚴安止無畏道故爲未得涅槃者今得涅槃大誓莊嚴捨五陰重擔故爲常勤給足衆生大誓莊嚴精進不懈怠故爲不捨無量生死大誓莊

嚴不疲厭故爲悅可一切諸佛大誓莊嚴現前供養恭敬故爲受持一切佛法大誓莊嚴不斷三寶種故爲受持一切所聞不忘大誓莊嚴得庵羅尼故爲善說法悅可一切衆生大誓莊嚴得辯才故爲集無量功德資糧大誓莊嚴成就相好故爲悅可一切善知識大

誓莊嚴堅固所行故爲遮馳散心大誓莊嚴生諸禪解脫三昧故爲在阿練若處捨離身命大誓莊嚴得大神通故爲欲大師子吼無所畏懼大誓莊嚴現前得無我法故爲欲至一切世界大誓莊嚴欲知一切諸法如幻如夢如影故爲普照嚴飾一切世界大誓莊嚴淨戒衆生受持成就力故爲成就如來十力大誓莊嚴滿足諸波羅蜜故爲得四無所畏大誓莊嚴如所說行故爲盡得十八不共法大誓莊嚴如所聞菩薩地法不戲論故善男子是爲諸菩薩二十大誓莊嚴以此莊嚴力故能乘於大乘菩薩以此自莊嚴力故斷三

讀

大集十五

二

庚

惡趣因緣是名莊嚴具足善爲諸佛所護持是名莊嚴隨所欲往便得往生是名莊嚴捨一切胞胎能化生諸佛前是名莊嚴能行無諱身口意業是名莊嚴住不放逸行爲諸天世人之所恭敬是名莊嚴善通達三脫門而不證實際是名莊嚴一切無我法皆現在前

而猶不捨大誓莊嚴是名莊嚴是爲菩薩具足大誓莊嚴云何名爲莊嚴菩薩乘善男子乘者謂無量也無邊崖故普遍一切喻如虛空廣大容受一切衆生故不與聲聞辟支佛共是故名大乘復次乘者以正住四攝法爲輪以真淨十善業爲輻以淨功德資糧爲轂以堅固淳至畢竟爲軛轄釤鐫以善成就諸禪解脫三昧爲轍以四無量心爲善調以善知識爲御者以知時非時爲發動以無常苦空無我之音爲驅策以七覺寶繩爲鞭策以淨五根爲索帶以弘普端直大悲爲旒幢以四正慲爲輜以四念處爲安詳以四神足爲

速進以勝五力爲鑒陣以八聖道爲直進於一切衆生無障礙惠明以爲軒以無住六波羅蜜迴向薩婆若以無礙四蹄度到彼岸是爲大乘此乘諸佛所受聲聞辟支佛所觀一切菩薩所乘釋梵護世所應敬禮一切衆生所應供養一切智者所應讚歎一切世間所

卷五  
太集五

三

應歸趣一切怨憎不能輕毀一切諸魔不能破壞一切外道不能測量一切世智不能與競此乘殊勝無能過者一切賢聖之所守護此乘隨願能至一切佛界故此乘普照能放綿網光明故此乘有大名稱能生法門故此乘強志不退還故此乘堅牢不懈緩故此乘正住不傾動故此乘衆事備具能滿一切所願故善男子是名大乘諸大誓莊嚴菩薩乘此乘乘此乘已能從一地至於一地是其莊嚴能捨諸地過患是其莊嚴能捨諸魔業是其莊嚴能化度衆生是其莊嚴能淨佛世界是其莊嚴能現菩薩神變是其莊嚴能度生

死大飢餓是其莊嚴能入如來行處是其莊嚴善男子云何菩薩莊嚴道善男子菩薩大誓莊嚴及乘大乘已捨一切邪道捨一切邪道已趣於真實正道到薩婆若何謂正道耶所謂不捨善法故行於太欲不退菩提道故勤修精進善根不失故行不放逸不動淳至

不沒於所作必能究竟仰攀上法求功德資糧無有滿足求智慧資糧終不廢捨是爲菩薩正道復次善男子菩薩道者所謂四禪四無量心四空定五神通三福業三學六應敬六念四攝法四念處四正勤四神足五根五力七覺分八聖道分三解脫門知陰方便知界方便知入方便知四諦方便知因緣方便是名爲道菩薩得成就此道方便皆能隨順入六波羅蜜道所以然者以菩薩六波羅蜜道不與一切聲聞辟支佛共故此道一切諸佛皆所稱歎從諸如來口出成就方便菩薩能知一切法實性者能住出世間六波羅蜜

聖道云何爲住善男子若有菩薩成就自然惠方便而求菩提於此五受陰中爲如實覺故求於菩提是菩薩知色無常而行布施知色苦知色無我知色鈍知色無智知色如幻知色如水中月知色如夢知色如影知色如響知色如旋火輪知色無我知色無衆生知

卷

本集十五

四

色無命知色無人知色無主知色無養知色空知色無相知色無願知色無作知色無生知色無起知色無出知色無形知色寂靜知色離知色無終知色無成知色與虛空等知色如涅槃性而行布施菩薩如是行施時以施離故知色亦離以色離故知施亦離以色施離故知願亦離以願離故知色施亦離以色施願離故知菩提亦離以菩提離故知色菩薩出世間檀波羅蜜受想行亦如是知識無常應行布施知識苦知識無我知識鈍知識無智知識如幻知識如野馬知識如水中

月知識如夢知識如影知識如響知識如旋火輪知識無我知識無衆生知識無命知識無人知識無主知識無養知識如空知識無相知識無願知識無作知識無生知識離知識無出知識無形知識寂靜知識離知識無終知識無成知識與虛空等知識如涅槃

性而行布施菩薩如是行布施時以施離故知識亦離以識離故知施亦離以識施離故知願亦離以願離故知識施亦離以識施願離故知菩提亦離以菩提離故知識施願離而知一切法同菩提性善男子是爲菩薩出世間檀波羅蜜復次善男子菩薩知色無常

跋十五

五

而護於戒乃至知色如涅槃性而護於戒知色受想行亦如是知識無常而護於戒乃至知識如涅槃性而護於戒以戒離故知識亦離知戒離故乃至於識亦離乃至知一切法同菩提性善男子是爲菩薩出世間尸羅波羅蜜提波羅蜜毗梨耶波羅蜜禪波羅蜜

亦如是知色無常而行於慧乃至知識如涅槃性而行於慧以慧平等故知識平等以識平等故知慧平等以慧識平等故知願平等以願平等故知慧識平等以慧識願平等故知菩提平等以菩提平等故知慧願平等即知一切法同菩提性善男子是爲出世間般

若波羅蜜是爲菩薩出世間波羅蜜道悉能攝取一切諸道當知一切諸道皆入在中何故名之爲出世間耶善男子五受陰名爲世間菩薩善分別五陰觀是無常乃至如涅槃性已知此道中無有世間及世間法知此道是無漏是出世間無所繫著是名出世間善

男子是名菩薩道復次道者所謂如實求一切諸法分別選擇不見一切諸法相續積聚無二無別是故名道而此道無有憎愛無憎愛故名爲平等離思惟觀察餘乘故名爲廣大去離諂曲故名爲端直去離曲心故名爲無蔽斷除諸蓋故名無繫滯去離欲瞋恚害

覺故名無塵垢不受色聲香味觸故名爲安樂去離諸魔事故名爲清涼去離煩惱衆賊故名爲無畏能到涅槃故名爲出要成就靜定故名清淨水慧善解故名爲常明善修慈故名清涼樂不捨大悲故名進無厭常行喜故名爲悅豫成就捨故名無過失順攝法故

名爲大富成就施食波羅密力故得薩婆若智辯諸佛善護持故名過四魔行法不捨本願故名進無滯礙渡一切煩惱流故名無有上一切世間無能降伏故名無詭對善男子此道成就如是等及餘無量功德一切大士乘此道故能往來教化無量衆生是爲莊嚴

無諸煩惱現入煩惱是其莊嚴觀於生死而不證實際到空無相無作門而能教化行諸見諸相諸願衆生是其莊嚴現入聲聞辟支佛涅槃不捨生死是其莊嚴現諸趣受生而不動於法性現說一切言教而不動於無言是其莊嚴能現一切佛事而不捨菩薩行是

其莊嚴善男子是爲菩薩大誓莊嚴大乘莊嚴道莊嚴善薩以大誓莊嚴自莊嚴故能乘大乘順出世間聖道未得薩婆若爲衆生故能作佛事尔時衆中有一菩薩名曰寶德問虛空藏菩薩言善男子汝已修此出世間聖道耶虛空藏答言已修寶德言云何修虛空藏答言如得清淨道如是修寶德問言云何爲清淨道虛空藏答言善男子我淨故道淨寶德問言云何爲我淨虛空藏答言如世淨寶德問言云何世淨虛空藏答言善男子色過去際淨所以然者以色本際無來故色未來際亦淨所以然者以色未來際無去故色現在際亦淨所以然者以現在色無住故善男子是爲世淨受想行識過去際淨所以然者以識本際無來故識未來際亦淨所以然者以識未來際無去故識現在際亦淨所以然者以識現在際無住故善男子是爲世淨善男子以世中世淨故則我淨以我淨故是

七

集五

正

第十九冊

名道淨寶德言善男子如是淨道能何所爲虛空藏答言能作大智慧光明以此惠明力故能知一切法過去未來際寶德復問言何謂過去未來法際虛空藏答言一切法於過去際無生於未來際無滅是名知過去未來際寶德復問若見過去未來際者爲何所見

虛空藏答言見二俱離寶德復問何謂二俱離虛空藏答言離斷常者善男子若有見法生及著法者則是斷常見所以然者由有生故則有滅有生滅故則有斷常之見若不見有法從自性他性生者則見因緣若見因緣則見法若見法者則見如來若見如來者則

見如若見如者則不滯於斷亦不執常若不常不斷者即無生無滅寶德復問善男子若無生無滅云何有名數虛空藏答言假言說故名之法耳善男子猶如有空故有色差別名所謂青黃赤白色紫色玻瓈色琉璃色麤色細色長色短色方色圓色虛空不爲如是

一切相成就般若波羅蜜力故迴向菩提而亦不見菩提有增有減不於色中求菩提亦不於受想行識中求菩提菩薩以無求故住於清淨戒聚修無願解脫門滿足一切諸願知生死性同涅槃性雖入究竟涅槃爲斷除衆生虛妄顛倒故行菩薩行亦無行法可行善男子如是菩薩入於涅槃行菩薩行善男子凡有所作皆是生死無有所作是名涅槃菩薩所行是無所作是故菩薩名入涅槃行菩薩行善男子凡有染著棟窟妄想戲論取相是名生死涅槃者無染著棟窟妄想戲論取相是名涅槃菩薩以修無染著棟窟妄想

議

卷五

戲論取相行菩薩行是名菩薩入於涅槃行  
菩薩行當說此法時有五百菩薩得無生法  
忍爾時世尊讚虛空藏菩薩言善哉善哉大  
士快說法性稱菩薩行真實不異虛空藏白  
佛言世尊此是如來快也所以者何由世尊  
慧明故我等得斯辯分世尊喻如日光照闇

浮提由日威德力故有眼之者得見色像作  
諸事業由於如來大智力故照一切衆生及  
餘世界亦復如是諸法實性不可言說諸言  
說性與虛空等是故諸法不可得數凡有數  
法則有限量凡有限量則是有爲凡是有爲  
則可知可斷可修凡是可知可斷可修則有  
得有證有名數法思惟籌量分別不見有法  
可知可斷可修可證可得故即無有得所以  
然者以一切法無生故能如是正見諸法於  
諸法中不生愛染以無愛染故則無有著以  
無著故則無近以無近故則無受無取何謂  
無受無取謂色若常若無常無受無取受想

行識若常若無常無受無取色若苦若樂若  
有我若無我若淨若不淨無受無取受想行  
識若苦若樂若有我若無我無受無取色若  
空若非空無受無取受想行識若空若非空  
無受無取色若離若非離無受無取受想行  
識若離若非離無受無取菩薩以無受無取

卷

大集十五

九

故得諸法無受三昧住是三昧已諸佛世尊  
以無上心通授是菩薩記是菩薩雖入涅槃  
見一切衆生究竟同涅槃性爲教化衆生故  
不捨大誓莊嚴及菩薩大悲云何菩薩入於  
涅槃行菩薩行善男子凡有所作名爲生死  
凡無所作名爲涅槃菩薩以正智慧見一切  
諸行離相菩薩以法眼明了見故能說如來  
智明爾時寶德菩薩問虛空藏菩薩言善男  
子汝何爲自隱已智言盡是如來力耶虛空  
藏答寶德言善男子如來豈不說隱善顯惡  
也善男子我還問汝隨意答我善男子於汝  
意云何若無阿那婆達多龍王時阿耨大池

能出四河使諸衆生得受用不寶德答言不也虛空藏言善男子若無如來則無法律菩薩無由得成大智之海亦不能利益一切衆生以如來出世故則有法律諸菩薩得成大智之海亦能化度一切衆生善男子是故當知一切菩薩所得辯說能以利益衆生皆是

如來神力寶德復問善男子諸如來辯可得轉至菩薩心不虛空藏答言不也寶德言云何由如來力故得辯說也虛空藏答言善男子喻如巧種果樹因緣和合便得果實然樹非即果果不離樹善男子如來所說法菩薩於此法中善順行故便生大智明辯因佛說得亦無有轉寶德言希有善男子因緣生法如是甚深難測虛空藏言善男子一切諸法究竟無生寶德言善男子諸法謂從緣生虛空藏言善男子生已生耶未生生耶寶德言善男子生已不生未生亦不生虛空藏言善男子是故無生寶德言善男子緣中有因耶

虛空藏答言無也寶德言因中有緣耶虛空藏答言無也寶德言於汝意云何若因若緣自實有性耶虛空藏答言無也寶德言善男子於汝意云何諸法無因緣生耶虛空藏答言不也善男子是故一切法無自性無生無起無出是以緣不生因因不生緣自性不生

譏集主

十

自性他性亦不生他性自性不生他性他性不生自性是故說一切法自性無生所以者何以如無生無滅法性實際亦無生無滅如法性實際如來所覺一切諸法亦復如是無生無滅寶德言善男子如來亦不出世耶虛空藏答言此不應說所以者何如來於一切法盡不可說不言出不得言不出若有人問言如來出世耶不出世耶智者爲不謗如來故應置不答寶德問言云何應置虛空藏言如法性住應如是置寶德言云何法性住虛空藏答言如虛空性住住無所住法性亦如是住如法性衆生性亦余如衆生性一切

法亦如一切法如來亦如是住住無所住無住處故無住無不住是故不得言生不得言滅寶德言善男子如來出世事甚深甚深虛空藏答言善男子若能如實解了緣生法者名爲佛出世寶德言善男子誰當解此說耶虛空藏答言若於一切法中不得增減者

寶德問言何謂爲增虛空藏答言增者所謂增上句謂於無中妄生增上無增上句者是平等句無等句無文字句無句無教句無數之中無句無增上亦無心意識以是故非句喻如空中鳥跡究竟已無當無而言鳥跡於一切法中無有字句亦復如是無句而假名

〔集十五〕

十一

爲句如無跡假名爲跡如來出世亦無有出假名爲出亦復如是是故智者不應取著以無取著故假名爲出而常依無出所以者何以無生是一切諸法實性故無生者則無所有是故名一切法無所有爲性無所有性無有住處無住處故是無住際一切諸法及無

住際即是實際實際即是一切法際是故言一切法與實際等言實際者是三場分斷際不可壞際不斷不常際如實際三世等際以如是等際等一切法際所以者何實際及我際無二無別實際及衆生壽命養育人際無二無別實際及我見際無二無別於我見中

無有實際能如是如實知者則無有二十種我見所以者何以實際中無一無多故實際與平等等無來無去無盡無滅實際究竟空故是故言一切法是無盡門無盡際涅槃者無盡所謂空故無性故如涅槃無盡無不盡一切法亦復如是以是故言一切法與涅槃等諸法無等無不等無疇匹故喻如虛空無有疇匹一切諸法亦復如是若見有疇匹言有涅槃者已言有涅槃便求涅槃則與賢聖相違已言有涅槃故便言此應知此應斷此應證此應證此應生此應滅如是行不具者不能如實知不能如實見則不識不解不知

不見不識不解一切法故則著於文字於諸法中妄生諱競生諱競者於佛法中則爲可愍所以然者如來說言沙門之法不應諱競。爾時大德阿難白佛言希有世尊此大士才辯乃能如是甚深明了難解難測也於一切法不從他受如身自證能如是說虛空藏菩薩即謂阿難言大德我已自身證如是故如所證知能如是說何以故我身即是虛空以虛空證知一切法爲虛空印所印大德阿難凡諸菩薩修身善解身相者能以此身作諸佛事現種種色像而亦不退於真法身亦復不離結業生身又復不過於平等法性變現

議

化身悉得自在於一切佛國普能示現終已不隱應化之身如是行者皆可名之爲身證行阿難問言善男子汝於法頗有證耶虛空藏答言大德阿難我不見法離於身身離於法阿難言善男子汝若身證者汝得阿羅漢果耶虛空藏言大德無得不得無所得故於

一切法無惱行故離貪欲瞋恚愚癡故是謂阿羅漢阿難言善男子汝何時當般涅槃耶虛空藏言大德阿羅漢者無般涅槃知一切法究竟是涅槃亦無涅槃想凡愚之人有如是分別戲論行言此是生死此是涅槃阿羅漢者無是戲論也大德阿難言善男子如我解汝所說義夫菩薩者不應言是凡夫亦不應言是學不應言是學無學去離二相故虛空藏言大德阿難善男子善哉善哉以非凡夫非學非無學故在在處處皆能示現於一切處亦不取著爾時五百大聲聞各以己身所著鬚多羅僧奉上虛空藏奉上衣已一時

議

同聲說如是言其有衆生深心發阿耨多羅三藐三菩提者快得善利於如是大智法藏中不墮其外所上之衣即便不現彼諸聲聞問虛空藏言衣何所至也虛空藏答言入我藏中又言如來知之汝等可問爾時諸聲聞即白佛言世尊衣何所至也佛告諸比丘東

方去此過無量阿僧祇諸佛刹土有世界名曰袈裟幢其界有佛号曰山王如來虛空藏已遣此衣至彼世界諸聲聞即白佛言世尊以何因緣遣衣至彼耶佛言欲以此衣於彼世界施作佛事虛空藏菩薩於此所說如虛空等三昧印法門此三昧於彼衣中當演其

法音彼世界無量阿僧祇諸菩薩聞此法故當得無生法忍諸比丘當知菩薩作如是種方便利益衆生說此法時於上虛空中雨無量金色花以此諸花遍覆妙寶莊嚴堂於諸花中出如是法音其有衆生信此虛空藏菩薩所說法善順思惟分別其義者皆當爲不退轉印所印畢定得至無上道場尔時阿難白佛言世尊是何瑞應乃雨此花出如是妙音安慰衆生佛告阿難有梵天名曰光明莊嚴從梵天上與六十八百千梵衆俱欲來詣此如來說此語已時諸梵衆忽然來至妙寶莊嚴堂上頂禮佛足右遶七匝遶七匝已在一

面立合掌向佛而白佛言希有世尊虛空藏菩薩不可思議戒聚清淨修諸定善分別大智慧能遊戲諸大神通善能滿足大弘誓願善能成就大權方便善能莊嚴身口及意善能於諸法中成就大自在力是虛空藏菩薩身口及意都無所作無有分別憶想而能現此不可思議莊嚴神變又能顯現無量百千法門亦能出入百千諸三昧門從昔已來常樂修習成就諸善法故世尊諸菩薩不應於往昔所修善根不知其因集諸善根亦應無狀所以者何是因往昔所種善根果報故能現如是不可思議神變佛告梵天如是如是如汝所言諸菩薩已成就善根資糧及出要智方便故能現如是不可思議功德莊嚴之事無憶想分別亦無不分別梵天白佛言世尊云何菩薩集善根資糧及出要智方便佛告光明莊嚴梵天言善根有三種何等爲三所謂無貪善根無恚善根無癡善根是名

譏

卷十五

善根資糧者所謂捨一切所有修慈觀諸法是名資糧方便者所謂去離凡夫地不願樂聲聞辟支佛地進入諸菩薩地是名方便智者所謂知捨不善法智知集善法智知迴向菩提智是名智菩薩能作如是等正行者是名出要復次善根者能發阿耨多羅三藐三

菩提心資糧者所謂求一切善法方便者所謂已作未作善根終不廢忘智者所謂知心如幻化如是等法現前了知是名出要復次善根者所謂淳至資糧者所謂發動方便者所謂深心智者所謂無持無動無能行如是等法者是名出要復次善根者所謂欲善法資糧者所謂勝進方便者所謂安住不放逸智者所謂捨一切依若能行如是等行者是名出要復次善根者所謂正信資糧者所謂不捨本願方便者所謂不捨念定智者所謂慧能正住如是等行者是名成就善根資糧智方便出要復次善根者所謂悅可諸善知

識資糧者所謂給侍所須恭敬供養尊重利益方便者所謂於善知識生出尊想智者所謂知時非時而問法能正住如是等行者是名出要復次善根者所謂善順聽法資糧者所謂受持不廢忘方便者所謂隨聞能觀智者所謂隨所聞而行能正住如是等行者是讓

卷五

十五

名出要復次善根者所謂值佛悅可資糧者所謂護一切諸波羅蜜諸攝法及助道法方便者所謂能從一地至於一地智者所謂得無生法忍菩薩能正住如是等行者是名成就善根資糧方便智出要爾時光明莊嚴梵天白佛言希有世尊如來能以四句義總說一切菩薩行世尊一切佛法應於中求爾時虛空藏菩薩語梵天言一句亦能總攝一切佛法何謂爲一所謂離欲句所以然者以一切佛法同於離欲如佛法一切法亦然梵天是爲一句總攝一切佛法復次梵天一空句總攝一切佛法一切佛法同於空故如佛法

一切法亦然梵天是爲一句摠攝一切佛法  
所謂無相句無願句無作句無生句無起句  
如句法性句真際句離句滅句盡句涅槃句  
摠攝一切佛法以一切佛法同於涅槃故如  
佛法一切法亦然梵天是爲一句摠攝一切  
佛法所以者何以如是等句皆非句故一切

佛法非句假名爲句復次梵天欲是離欲句  
所以者何離欲性即是欲故一切佛法亦同  
是性瞋恚是離瞋恚句所以者何離瞋恚性  
即是瞋恚故愚癡是離愚癡句所以者何離  
愚癡性即是愚癡故一切佛性亦同是性身  
見是實際句所以者何實際性即是身見一

識故一切佛法亦同是性地大是虛空句所  
以者何虛空即是地大故一切佛法亦同是  
性水大火大風大是法界句所以者何法界  
性即是風故一切佛法亦同是性眼是涅槃  
句所以者何涅槃性即是眼故一切佛法亦  
同是性耳鼻舌身意是涅槃句所以者何涅  
大集十五

槃

大集十五

大

若不攝若說若不說不增不減究竟離相故  
梵天喻如算師數數以算籌布在算局上然  
局中無籌籌中無局所以者何究竟不相應  
故究竟離故如是於上一一句中假名數故  
言一切佛法皆入一句而諸佛法不可名數  
等計究竟不相應故究竟離故梵天如佛法

名數即是一切法名數何以故一切法即是佛法此法非法非非法自性空故自性離故自性究竟無性故即是虛空虛空性同一切法性此法性非生相非滅相非有處相非無處相是故一切法名無相無非相說如是一法門時於彼梵衆中有万二千梵天皆發阿

釋多羅三藐三菩提心復有昔殖德本五千梵天得無生法忍尔時衆中有一菩薩名曰寶手問虛空藏菩薩言希有善男子一切佛法及如來法甚深難測不可思議又善男子何謂安一切佛法根本耶虛空藏菩薩答寶手言善男子菩提心是安一切佛法根本一

譏

卷十五

十七

切法住菩提心故便得增長寶手菩薩言善男子菩提心者何法所攝得不忘失能速至不退轉地虛空藏言善男子菩提心爲二法所攝得不忘失速至不退轉地何等爲二所謂淳至畢竟是名爲二法所攝得不忘失能速至不退轉地寶手言善男子此二者爲幾

法所攝虛空藏言此二法爲四法所攝何等爲四所謂淳至者爲不虛詐不諂曲所攝畢竟者爲無我及上進所攝是爲二法爲四法所攝寶手言善男子此四法爲幾法所攝虛空藏言善男子此四法爲八法所攝何等八所謂不虛詐者爲不猶豫及體真淨所攝不

諂曲者爲正直及正住所攝無我者爲不退沒及進所攝上進者爲功德資糧及智資糧所攝是爲四法爲八法所攝寶手言善男子此八法復爲幾法所攝虛空藏言善男子此八法復爲十六法所攝何等十六所謂不猶豫者爲大慈及大悲所攝體真淨者爲身調

及心調所攝正直者爲忍辱及柔和所攝正住者爲無惱慢及無滯礙所攝不退沒者爲堅固及力所攝上進者爲如所作及正行所攝功德資糧者爲始發及究竟不捨所攝智資糧者爲求多聞及思惟所聞所攝是爲八法爲十六法所攝寶手言善男子此十六法

復爲幾法所攝虛空藏言善男子是十六法爲三十二法所攝何等三十二所謂大慈者爲無礙心及於一切衆生等心所攝大悲者爲無厭倦及慇給足一切衆生所攝身調者爲不觸嬈及不加害所攝心調者爲定及寂靜所攝忍辱者爲受正教及順行所攝柔和

者爲慚及愧所攝無憍慢者爲謙卑及禮敬所攝無滯礙者爲無垢穢及不強良所攝堅固者爲不犯所行及成就本願所攝力者爲住正意及不掉動所攝如所作者爲如說如行所攝正行者爲正發及正進所攝始發者爲必勝及不退所攝不捨者爲樂勝及上求

譏

大集十五

大

所攝求多聞者爲親近善知識及悅可善知識所攝思惟所聞者爲智惠及善觀所攝善男子是爲十六法爲三十二法所攝寶手言善男子此三十二法復爲幾法所攝虛空藏答言善男子是三十二法爲六十四法所攝何等六十四法所謂無礙心者爲護我及護

彼所攝於一切衆生等心者爲無別異及一味所攝無厭倦者爲如夢觀及知生死如幻所攝慇給足一切衆生者爲諸神通及方便所攝不觸嬈者爲羞耻及信有業報所攝不加害者爲少欲及知足所攝定者爲無發惱及無散失所攝寂靜者爲捨吾我及離我所攝受正教者爲求法及欲法所攝順行者爲敬重及平等無疲倦所攝慚者爲內心斷除及外不行所攝愧者爲信樂佛智及在屏處不行惡所攝謙卑者爲不懶慢及知自下所攝禮敬者爲身端心直所攝無垢穢者爲具靜定及修智惠所攝不強良者爲不麁曠及不兩舌所攝不犯所行者爲不捨菩提心及念道場所攝成就本願者爲捨魔事及佛神力持所攝正住意者爲不輕躁及不得掉亂所攝不掉動者爲如石山及不可移轉所攝如說者爲所作善業及無熱惱所攝能行者爲無虛誑及不捨歸趣所攝正發者爲離

譏

大集十五

五

邊見及順觀甚深因緣所攝正進者爲善巧及方便所攝於必勝者爲不懈怠及勇猛所攝不退者爲大欲及增進所攝樂勝者爲見如來及聞法所攝上求者爲捨諸地過患及得諸地功德所攝親近善知識者爲無憎嫉及信樂所攝悅可善知識者爲敬順及不逆教勅所攝智惠者爲無常觀及無我觀所攝善觀者爲修無相及不怙涅槃所攝善男子是三十二法爲六十四法所攝寶手復問此六十四法復幾法所攝虛空藏答言善男子此六十四法爲百二十八法所攝何等爲百二十八法所謂護我者爲斷一切惡及成就一切善根所攝護彼者爲忍辱及柔和所攝無別異者爲猶如水心及如風心所攝一味者爲法界觀及如如觀所攝如夢觀者爲無移轉觀及無真實觀所攝如幻者爲適性示現及無自性觀所攝諸神通者爲了義及了智所攝方便者爲大悲及般若波羅蜜所攝

羞耻者爲不覆藏所犯及悔過所攝信有業報者爲不放逸及畏惡趣所攝少欲者爲淨處有齊限及離宿穢所攝知足者爲易稱及易養所攝無發惱者爲究竟及究竟邊際所攝無散失者爲得忍及不退轉地所攝捨吾我者爲不計我身及與壽命所攝離我所者爲無貪及無愚癡所攝求法者爲智及斷所攝欲法者爲不著五欲及離煩惱所攝敬重者爲起世尊想及療救想攝無疲倦者爲身輕及翹勤省眠所攝內心斷除者爲身念處及受念處所攝外不行者爲心念處及法念處所攝信樂佛智者爲深敬重及淨信所攝在屏處不行惡者爲自證知及諸神天證知所攝不傲慢者爲不自歎譽不譏被人所攝知自下者爲不虛稱及不顯己德所攝身端者爲不行三不善業及不犯禁戒所攝心直者爲常省已過及不說彼短所攝具靜定者爲寂靜心及滅煩惱所攝修智慧者爲選擇

法者及知無我所攝不麁擴者爲常行益事及順忍所攝不兩舌者爲自足眷屬及和合別離者所攝不捨菩提心者爲衆生及爲佛智所攝念道場者爲欲壞於魔衆及成就正覺所攝捨魔事者爲正覺及不捨菩提志所攝佛神力持者爲堅固行及善淳至所攝不

輕躁者爲堅護諸根及不捨境界所攝不掉亂者爲觀苦及觀空所攝如石山者爲不高及不下所攝不可移轉者爲斷愛及除恚所攝所作善業者爲智所作業及捨魔事所攝無熱惱者爲淨戒及淨定所攝無虛誑者爲誠實語及不望果報所攝不捨歸趣者爲成就賢士業及不行怯弱所攝離邊見者爲觀無生及不敗壞觀所攝順觀甚深因緣者爲觀因及觀緣所攝善巧者爲第一無諍競及不傲慢所攝方便者爲離方便及無生方便所攝不懈慢者爲身力及心力所攝勇猛者爲勝進心及害怨敵所攝大欲者爲不求利

信樂者爲無垢行及不濁心所攝敬順者爲知世宜及隨順行所攝不逆教勅者爲捨除不淨及淨正行所攝無常觀者爲動轉觀及敗壞觀所攝修無相者爲不得作者及不得受者所攝修無相者爲不緣境界及除覺所攝不怙涅槃者爲除去無明及斷愛著所攝善男子是爲六十四法爲百二十八法所攝余時寶手菩薩從虛空藏菩薩聞分別如是等法門已歡喜誦躍得未曾有即白虛空藏菩薩言希有大士汝乃能成就如斯捷<sup>七</sup>辯才及巧分別辯事事所間盡能開解如我者解汝所說義趣及與文字以如是方便若

讓  
卷十五

七

一劫若滅一劫說不可盡辯亦無斷尔時佛告寶手菩薩言善男子如是如是如汝所言此虛空藏菩薩若演一句之義若一劫若滅一劫說不可盡辯亦無斷虛空藏菩薩有如是無量無邊不可思議無量辯才尔時寶手菩薩以手遍覆妙寶莊嚴堂於其手中出無

量花香瓔珞末香塗香衣服嚴身之具及諸幢幡妙蓋雨如是等上妙供具供養如來及虛空藏於上空中百千音樂不鼓自鳴於諸

昔中出諸妙偈以讚如來

持德開德具百福

上意調伏念不動

沙門大士降天人

十力佛子十方現

大稱威德自在尊  
能度濶流諸天人  
聖尊巧說音微妙  
三界無等無三垢  
意念堅固樂靜寂  
已捨誦曲得甘露

降伏有畏除癡闇  
閑惡趣門使清涼  
無錯無謬音清淨  
十力所說施衆樂  
最勝十力降彼力  
無有塵累衆歸仰

世尊處衆不動轉  
隨衆生行能隨順

如日無翳能普照

佛智惠光照長流  
能令衆花得開敷

如風無礙山不動  
佛子放光雨甘露

諸子得悟亦如是  
淨如虛空照如日

大千海水尚可量  
諸衆生心尚可同  
大方等大集經卷第十五

讓八

當寺比丘 清移發心施財入

大藏經局刊雕

大集經三卷功德上答

四恩下資三有普為有情同成  
佛果者

大德二年七月 日意